



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

15. maj 2012

J.nr.:

01.31.06/12-00577

Aningaasaqarnermut Naalakkersuisoq

NUKINGINNARTOQ

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00577 pillugu aalajangiineranik Naalakkersuisunut ilisimatitsineq.

Suliffissaaleqisunut nuna tamakkerlugu iliusissamut ilassutitut aningaasaliissuteqarnissamik qinnuteqaat

Naalakkersuisut inassutigaa,

- konto pingaarneq 64.13.25-imi, Suliffissaaleqisunut immikkut ittumik suliniutinut tunngasumi, aningaasaliissutit 27.000.000 kr.-nik amerlineqassasut,
- konto pingaarneq 64.01.05-imi, Nunap Immikkoortuisa Ineriartortinnissaannut Pilersaarummut NIIP-mut tunngasumi, aningaasaliissutit 2.000.000 kr.-nik ikilineqassasut.,
- konto pingaarneq 20.11.50-imi, Ingerlatsinerneq sillimmatinut tunngasumi, aningaasaliissutit 5.000.000 kr.-nik ikilineqassasut,
- konto pingaarneq 20.12.12-imi, Aningaaseriveqartitsinerneq tunngasumi, aningaasaliissutit 500.000 kr.-nik ikilineqassasut,
- konto pingaarneq 40.91.03-mi, Pikkorissartitsinerneq tunngasumi, aningaasaliissutit 5.000.000 kr.-nik ikilineqassasut,
- konto pingaarneq 64.10.25-imi, Aluminiumimik pilersaarummut tunngasumi, aningaasaliissutit 5.000.000 kr.-nik ikilineqassasut,
- konto pingaarneq 64.13.21-imi, Piginnaanngorsaaqqinnerneq tunngasumi, aningaasaliissutit 4.000.000 kr.-nik ikilineqassasut,
- konto pingaarneq 73.01.08-mi, Ilaasunik angallassinermut tapiissutinut tunngasumi, aningaasaliissutit 1.500.000 kr.-nik ikilineqassasut, aamma
- konto pingaarneq 87.00.88-imi, Nunaqarfinni isorliunerusunilu sanaartornermut periusissamut tunngasumi, suliaq nr. 996.29.105-imut, Nunaqarfinni isorliunerusunilu sanaartornermut 2009-mi periusissamut tunngasumut, aningaasaliissutit 4.000.000 kr.-nik ikilineqassasut.

Aningaasaqarnermut Ataatsimiititaliap oqaaseqaatai

Inuussutissarsiornermut Suliffeqarnermullu Naalakkersuisoq apersorneqarnissaminut aggersarneqassasoq suliamik matuminnga siullermik suliarinninnermini Aningaasaqarnermut Ataatsimiititaliap aalajangerpaa. Naalakkersuisumik apersuereermermi itisiliissutaasunik ataatsimiititaliaq arlalinnik apeqquteqarpoq, taakkulu Naalakkersuisunit akineqarput.

Tamatuma kingorna isummernermini ataatsimiititaliaq marlunnut avippoq:

Aningaasaqarnermut Ataatsimiititaliami ikinnerussuteqartut Per Berthelsenip, Finn Karlsenip aamma Siverth K. Heilmannip qinnuteqaat tamarmiisoq taperserinnaanngilaat. Sammisamik Aningaasaqarnermut Ataatsimiititaliamit aalajangiiffigissallugu suli

periarfissaqarfigineqarsimanngitsumilluunniit tamanut saqqummiussineq
ikinnerussuteqartunit isumaqatigineqanngimmat aallarniutigalugu oqaatigineqassaaq.
Taamaaliornikkut aalajangersimasumik aalajangiinissamut pissusissamisuunngitsumik
tatineqarpoq. Nutaanik aningaasaliissuteqartoqarnissaanik aningaasaliissutinilluunniit
allanngortitsisoqarnissaanik qinnuteqaatit taamaallaat aningaasaqarnikkut iliussissanut
pingaarutilinnut aammalu aningaasanut inatsisissap suliarinerani
sillimaffigereerneqarsinnaasimanngitsunut tunngasuusassasut missingersuusiornermut
inatsimmi § 28, imm. 3-mi allassimammat ikinnerussuteqartunit innersuussutigineqarpoq.
Suliffissaaleqisut amerliartornerannik ajornartorsiut pingaaruteqartut ikinnerussuteqartunit
isigineqarpoq, akerlianili oqaatigineqarsinnaanngilaq ajornartorsiut siumut
sillimaffigereerneqarsinnaanngitsoq. Suliffissaaleqisut amerliartornerannik ajornartorsiut
annertusiartortoq 2012-imut aningaasanut inatsisissatut siunnersuutip suliarineqarnerani
ikinnerussuteqartunit mianersoqqussutigineqarpoq kaammattuutigineqarlunilu
suliffissaaleqinerup akiorniarneqarneranut aningaasanik immikkoortitsisoqassasq.
Aningaasanulli inatsimmi aalajangersimasumik angusaqarusunneq pissutiginnarlugu tamanna
illuatungiliuttunit pinaaserfigineqarpoq. Missingersuusiornermut inatsit ikinnerussuteqartunit
ataqqineqarpoq, taamaattumillu inassuteqaatit ilaat siunertanut allarlunnarnut, aningaasanut
inatsimmi tunngavigineqartunit allaanerusunut, aningaasanik nuussinissamut tunngasut
akuerineqarsinnaanngillat. Taamaattumillu konto pingaarnernit ukuningga aningaasanik
nuussinissat kisimik ikinnerussuteqartunit akuerineqarsinnaapput: 64.01.05, Nunat
Immikkoortuisa Ineriartortinnissaanut Pilersaarut, NIIP, 20.11.50, Ingerlatsinermut
sillimmatit, aamma 40.91.03, Pikkorissartitsineq.

Aningaasaqarnermut Ataatsimiititaliamit ikinnerussuteqartut Andreas Uldumip, Olga P.
Berthelsenip, Naaja Nathanielsenip aamma Aqqaluaq B. Egedep qinnuteqaat tamarmiussaq
taperserpaat. Amerlanerussuteqartut isumaqarput ataatsimiititaliap apeqqutai
Naalackersuisunit naammaginarumik akineqartut aammalu qinnuteqaatit inatsisinut
naapertuunneranut tunngasumik apeqqutit nutaat piffissap imaalinerani ilanngunnissaat
piviusorsiuunngitsoq. Ukiarmi aningaasanut inatsisip akuersissutigineqarnerata kingorna
suliffissaaleqisut amerleriarsimasut Naalackersuisut uppersarsareerpaat, tamatumalu
saniatigut naatsorsuisarnermi periutsit allanngortinneqarsimapput. Nutaarlunnartullu
qinnuteqaammut tunngaviuvoq aveqatigiiffiusumik aningaasalersuinissaq pillugu
kommunik isumaqateqarneq. Isumaqatigiissut taanna ukiarmi aamma ilisimaneqanngilaq.
Kiisalu aatsitassarsiornerup iluani inuussutissarsiutaalerumaartunut tunngatillugu
sulisinnaasut piginnaasaasa iliussissani aggersuni annertusarneqarnissaat
amerlanerussuteqartunit assut pitsaasut isigineqarput.

Amerlanerussuteqartut iluarisimaarpaat konto aallerfiginiarneqartup siunertanut
naapertuuttumik qinnuteqaat ingerlanneqarmat. Aamma inuiaqatigiit ineriartorneranni
naalackersuinikkut anguniagassatut siunnerfiusunut naleqquttumik Naalackersuisut
pilersaaruteqarnerat amerlanerussuteqartut isumaqatigaat.

Amerlanerussuteqartut isumaqarput nunatta inuussutissarsiornikkut aningaasarsiornikkullu
aaqqissuusseqinnissami pisariaqartitai malillugit Naalackersuisut anguniagaqartut, ilaatigut
suliffissaaleqisut inuussutissarsiutinut sulisunik pisariaqartitsiviusussat aallaavigalugit
piginnaanngorsaanerit ingerlanniarmatigit. Suliffissaaleqisut illoqarfinni nunaqarfinnilu
inuussutissarsiuteqalernissaat siunertarlugu iliussissat tamakkiisumik amerlanerussuteqartut
taperserpaat.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Aningaasaqarnermut Ataatsimiititaliamik amerlanerussuteqartut Andreas Uldumip, Olga P. Berthelsenip, Naaja Nathanielsenip aamma Aqqaluaq B. Egedep Naalakkersuisut inassuteqaataat akuersissutigaa.

Aningaasaqarnermut Ataatsimiititaliami ikinnerussuteqartut Per Berthelsenip, Finn Karlsenip aamma Siverth K. Heilmannip konto pingaarnernit ukuninnga nuussinissat kisiisa akuerisinnaavaat: 64.01.05, Nunat Immikkoortuisa Ineriartortinnissaannut Pilersaarut, NIIP, 20.11.50, Ingerlatsinermit sillimmatit, aamma 40.91.03, Pikkorissartitsineq kiisalu taakku amerlaqataannik konto pingaarnermi 64.13.25-imi, Suliffissaaleqisunut immikkut ittumik suliniutit, qaffaaneq.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq